




Wie der chunic Ezele nach Chriemhilt
ze Wormeze sinen boten sande.

XX. Auenture.

Das geschah inden geciten. do frow Heleche erstarp.
vnt das der chunic Ezele. ein ander wip warp.
do rieten sine frivnde. in Burgonden lant.
zeiner werden witewen. diu frow Chriemhilt genant.



Sit daz erstorben ware. der schönen Helchen lip.
si sprachen welt ir immer. gewinnen edel wip.
die höhsten unt die besten. die ie kunich gewan.
so nemt die selben witewen. der starche Siwrit was ir man.

Do sprach der chunich riche. wie chunde daz ergan.
sit ich bin ein heiden. vnt toufes nine han.
so ist dir frowe christen. vnt twot es lihte niht.
ez moꝝ sin ein wnder. ob ez immer geschicht.


Do sprachen aber die snellen. was ob si lihte twot.
durch iwern namen den hohen. vnt iwer michel goot.
so sol manz doch versvochen. an daz vil edel wip.
so moꝝt ir gerne minnen. den ir vil wneklichen lip.

Do sprach der kunic Ezele. wem ist under io bechant.
bi Kine aller beste. lute vnt oꝝch daz lant.
do sprach von Bechelaren. der gute Kudeger.
ich han irkant von kinde. die edeln kuniginne her.

Gunthern vnt Gernoten. die chunen ritter goot.
Giselher der iunge. ir ieslicher twot.
swaz er der hohen eren. mit tugenden mac began.
oꝝch hant ir alten mage. al daz selbe her getan.

Do sprach der kunich riche. frivnt du solt mir sagn.
ob si ob minen landen. chrone solde tragn.
ist ir lip so schöne. so man mir hat geseit.
des antwort im Kudeger. der reche chvene vnt gemeit.

Si gelichet sich mit schöne. wol der frowen min.
Helchen der vil richen. vnt chunde niht gesin.
indirre werlde schoner. deheines küniges wip.
den si lobt zefrivnde. der mac wol trosten den lip.



Er sprach so wirbez Kvedeger. so lieb als ich dir si.
vnt sol ich Chriemhilde. immer geligen bi.
des wil ich dir lonen. so ich beste chan.
so hastu minen willen. mit grozen triwen getan.

Der miner chameren. so heiz ich dir gebn.
das du vnt dine geverten. vroliche muot lebn.
von chleiden von rossen. des nime swaz du wil.
des gib ich dir zware. zu der boteschefte vil.


Des antworte Kvedeger. der maregrave rich.
gert ich dines gvotes. das ware vnlobelich.
ich wil din bote gerne. wesn an den Rin.
mit min selbes gvote. des soltu gar ane angeft sin.

Do sprach der kunic Gele. nu wenne welt ir varn.
nach der vil minneklichen. got sol ouch bewarn.
der reise an allen eren. vnt ouch die frowen min.
des helfe mir gelucke. das si vns genedic muose sin.

Do sprach aber Kvedeger. e' ich rume dizze lant.
wir muozin e' bereiten. waffen unt gewant.
schilde vnt satele. des wir ere han.
ich wil ze Rine foeren. fonshundert miner chunen man.

Swa man inuorenden landen. mih unt die mine sehe.
das ir ieflicher. denne dir des iehc.
das nie kunic deheiner. also manigen man.
so verre baz gesande. danne du ze Rine habst getan.

Ob duz kunich richc. dar umbe niht wellest lan.
si was ir edeln minne. Siwride vndertan.
dem Sigemundes kinde. den hastu hie gesehn.
man muose im grozer eren. mit rehter wahrheite iehn.



Dar umbe ich si niht vrende. was si des rechen wip.
ia was wol also tiure. sin vil edel lip.
daz ich niht verfmahen. die kuniginne sol.
durch ir grozen schone. so gevellet si mir wol.

So wil ich in die wareheit. sprach Rudeger do sagn.
daz wir hinnen riten. in vier vnt zweinzich tagen.
ich enbiot ez Gotelinde. der vil lieben frowen min.
daz ich nach Chriemhilde. selbe bote welle sin.


Hinze Bechelaren. sande Rudeger.
boten sine wibe. der marcravinne her.
vnt enbot ir daz er solde. dem kunige werbn wip.
si gedahte fruntliche. an der goten Helchen lip.

Do die marcgrauinne. die boteschafft vernam.
der märe si sich freute. doch weinens si gezam.
ob si gewinnen solte. noch frowen alsam e'.
so si gedaht an Helchen. daz tet Gotlinde we.

Uzer Hunin lande. der marcgrave reit.
des was der kunich Ezele. vro vnt ovch gemeit.
da zer stat ze Wiene. bereite man in wat.
die er foren solde. als man vns gesagt hat.

Da ze Bechelaren. im warte Gotelint.
die ionge marcgrauinne. daz Rudegeres kint.
sah ir vater gerne. vnt ovch sine man.
do wart ein liebez biten. von schonen kinden getan.

Do der marcgrave. ze Bechelaren reit.
do was in mit vlize. ir gewesen vnt ir kleit.
bereitet gar zewnsche. in unt sinen man.
ir soomer vf der straze. sah man mit in zogen dan.



Do si ze Bechelaren. chomen indie stat.
di sinen reisgesellen. herebergen bat.
der wirt vil minneklichen. vnt schvof in gvot gemach.
Gotelint div riche. den wirt si niht zongerne sach.

Sam tet sin liebv tohter. div iunge maregravin.
div enchunde ir vater chonfte. niht hoherf mvotes sin.
die von Hünen landen. wie gerne si die sach.
mit lachendem monde. div sveze iunchfrowe sprach.


Nu si vns groze willechomen. min vater unt sine man.
do wart vil groze danchen. mit vlize getan.
des waregraven kinde. von manigem rechen gvot.
vil wol erchande Gotelint. des guten Kudegeres mvot.

Do si des nahtes nahen. bi Kudegere lach.
vil minnekliche vragen. in div frowe pflach.
war in gefendet hete. der konic von Hünin lant.
er sprach min liebv frowe. daz sol werden dir bechant.

Ich sol mine herren. werben umbe ein wip.
sit daz ist erstorben. miner frowen lip.
ich wil nach Chriemhilde. riten an den Rin.
div sol hie zen Hünen. gewaltech kuniginne sin.

Daz wolde got sprach Götelint. moht uns daz heil geschehn.
sit daz wir ir hören. so grozer eren ichen.
si ergast uns miner frowen. liht in alten tagen.
mit ir hohen togenden. daz wir mvsin si verchlagen.

Do sprach der maregrave. trutinne min.
di mit mir soln riten. hinnen an den Rin.
den solt ir frivntliche. bieten iwer gvot.
so helde varent riche. so sint vrölich gemvot.



Si sprach ez ist deheiner. derz von mir gerne nimt.
ine geb ir iefelichen. swaz im wol gezint.
e' das ir hinnen scheidet. mit den iuern man.
daz si dem wirt lobte. daz wart mit vlize getan.

Hen waz man do von kamere. der richen pfellil trvoch.
der wart mit den rechen. geteilet do genvoch.
erfollet vlizekliche. von halfe vnz of den sporn.
die im da zvo behageten. die het im Rodeger erhorn.

An dem sibnden morgen. von Bechelaren reit.
der wirt mit sinen degenen. wasen vnt chleit.
forten si den vollen. durch der Gaier lant.
si wrden of der strazen. durch robben selten an gerant.

Da die helede fvoeren. niemen niht in nam.
man möht in dannen dienen. als in wol gezam.
ritter unt knechte. die waren wol gechleit.
der gute marcgrave. alsvo von Bechelaren reit.


Inre tagen zwelfen. si chomen an den Rin.
done chunden disiv märe. niht verholn sin.
man sagte dem chunige. vnt och sinen man.
da chomen hohe geste. der wirt do vragen began.

Ob iemen si bechande. daz manz im folde sagn.
man sah ir sovmere. so rehte swäre tragn.
daz si vil riche wären. daz wart da wol bechant.
man hiez si herbergen. da ze Wormez al zehant.

Do die geste waren. zen herebergen chomen.
do wart ir gevertes. vaste war genomen.
si wundert wannen fvoeren. die rechen an den Rin.
der wirt nach Hagene sande. ob ez im chundich mohte sin.



Do sprach der von Tronege. nu lat mich si sehn.
als ich si nu geschowe. ich chan iw wol veriehn.
von swannen si gesendet. sin indizze lant.
si soln sin vil vrenden. ine habe si schiere bekant.



In lende heten. die geste nu genomen.
in vil richiv chleider. was der bote chomen.
mit sinen hergesellen. ze hove si do riten.
si forten gotiv chleider. wol vnt spähe gesniten.

Do sprach der snelle Hagene. als ich mich chan verstan.
wande ich die helde lange. niht gesehn han.
si varnt dem geliche. als ez si Rodeger.
von Hunischen richen. der degn chvne vnt her.


Wie solde ich des getrowen. sprach der chunich zehant.
daz der von Bechelaren. chöme indizze lant.
e' daz der chunich riche. die rede vol sprach.
Hagene der chvne. den guten Rodegern sach.

Mit sinen besten freunden. lief er zu zim dan.
man sach forshundert degene. von den rossen stan.
do wrden wol empfangen. die von Hunin lant.
boten nie getrogen. also herlich gewant.

Do sprach inhoher stimme. der herre Hagene.
nu sin groze willechomen. dise degene.
der vogt von Bechelaren. vnt alle sine man.
daz grvzen wart mit eren. den snellen Hunin getan.

Des kuniges nechsten mage. chomen da man si sach.
Ortwin von Mezzin. zu Rodegere sprach.
wir habn inaller wile. mere nie gesehn.
geste hie so gerne. des wil ich wärliche ichn.

Des grvzes si do danchten. den helden oberal.
mit dem hergesinde. si giengen inden sal.
da si den chunich fonden. bi manigem chvnen man.
der wirt do von dem secele. gie gegen Rodegere dan.



Wie rehte frivntliche. er den gast enpfie.
vnt alle sine degene. Gernot do niht enlie.
ern enpfienge in ovch mit eren. vnt alle sine man.
der chunic Rodegere. forte bi der hende dan.

Er braht in zu dem sedele. da er selbe saz.
den gesten hiez man schenchen. mit willen tet man das.
mete den vil goten. vnt den besten win.
den iemen uinden chonde. indem lande al vmben Rin.

Gisfelher vnt Gere. die bede warn komen.
Danchwart vnd Volker. die heten wol vernomen.
von den werden gesten. si waren hochgemvot.
si enpfienge vor dem kunige. die ritter edel vnde goot.

Do sprach zu sine herren. der degene Hagene.
ez solden immer dienen. alle iwer degene.
das vns der margrave. zeliiebe hat getan.
des solde man enpfahen. wol den Gotelinde man.

Do sprach der kunic Gonther. ine chan niht langer dagn.
wie si sich gehalten beide. das solt ir mir sagn.
Ezele vnt Helche. vzer Hunin lant.
do sprach der margrave. ich solz ir sagn hie zehant.

Do stont er von dem sedele. mit allen sinen man.
er sprach zu dem chunige. lat mi h vrloup han.
ze sagene solhiv mare. dar vmb ich bin gesant.
von deme chunic Ezele. her zu der Duregonden lant.

Er sprach swaz man vns mare. bi ir enboten hat.
dir erlob ich ir ze sagene. ane frivnde rat.
ir solt si lazen horen. mich vnt mine man.
wande ich ir aller eren. hie zewerbene gan.



Do sprach der bote here. iu enbietet an den Kin.
getriwelichen dieneft. der groze voget min.
vnt allen iwern friunden. die ir muget han.
vnde wizzet difiu botefchaft. ift intriwen gar getan.

Iu bat der chunic edele. chlagen sine not.
finiu lant fint verweifet. min frowe diu ift tot.
Helche diu vil riche. ein kuniginne her.
nach der min herre lidet. daz wizzet vngefugiu fer.


Kint der edeln forften. diu fi gezogen hat.
dar an ez inne lande. vil iamertlichen stat.
die enhant nu leider niemen. der ir mit triwen pflege.
des wen ovch fich vil chleine. des kuniges forge gelege.

Nu lon im got sprach Gunther. daz er den dieneft fin.
fo willechlich enbietet. mir unt den friunden min.
finen groz ich gerne. hie vernomen han.
den mir enbietet Ezele. des fol er groz genade han.

Do sprach von Burgonden. der herre Gernot.
die werlt mac wol riwen. der schonen Helchen tot.
dorch ir manige togende. der fi wol chunde pflegn.
der rede gefwnt im Hagene. der vil zierliche degn.

Do sprach aber Kudeger. der edel bote her.
fit ir mir chunic erlobet. ich fol iu fagen mer.
was iu min lieber herre. her enboten hat.
fit im nach miner frowen. fin dinch fo chumberlichen stat.

Man fagt mine herren. iwer fwefter fi ane man.
Sivrit fi erftorben. ift daz also getan.
fo fol min frow Chriemhilt. die richen chrone tragn.
vor den Ezelen rechen. diz bat iu der chunic fagn.



Do sprach der chunic riche, wol gezogen was sin mvot.
so höret minen willen, ob siz gerne tvot.
den wil ich in chunden, indisen siben tagen.
e' ihz an ir erfvere, zwiv solde ich Ezelen versagn.

Die wile man den gesten, hiez schaffen gvot gemach.
in wart da so gedienet, das Rodeger des iach,
das er da frivnde hate, bi Gunthers man.
Hagene im diene gerne, erz hete im alsam getan.


Alsos beleip do Rodeger, vnz an den vierden tac.
der kunich nach rate sande, wie wiselich er pflach.
vragen sine mage, ob si dvhte gvot getan,
das Chriemhilt nemen solde, den chunich Ezelen zeman.

Si rietenz al gemeine, wan eine Hagene,
der sprach ze Gunther, dem degene,
habt ir rehte sinne, so wirt ez wol behvot,
ob sis ioch volgen wolde, das irz nimmer getvot.

Warumbe sprach do Gunther, solde ihz volgen niht,
swaz der kuniginne, liebes geschicht,
des sol ich ir wol gonnen, si ist div swester min,
wir soldenz selbe werben, ob ez ir ere mohte sin.

Do sprach aber Hagene, nu lat die rede stan,
vnt het ir Ezelen chunde, als ich sin chvnde han,
solte si in danne minnen, als ich ioch höre iehn,
so wäre in aller erste, von schulden sorgen geschehn.

Warumbe sprach do Gunther, ich behvete wol immer das,
das ich in chome so nahen, das ich deheinen haz,
von im moese dolden, vnt wrde si sin wip,
do sprach aber Hagene, ez gerätet nimmer min lip.



Man hiez nah Gernote. vnt Gifelhere gan.
ob der frowen brueder. duhte gvote getan.
daz Chriemhilt nemen solde. den richen chunic her.
noch widerreit ez Hagene. vnt ander niemen mer.

Do sprach von Burgonden. Gifelher der degn.
nu muot ir frivnt Hagene. noch der triwen pflegn.
ergetet si der leide. vnt ir ir habt getan.
swar an ir wol gelunge. daz solt ir vngewehet lan.


Ja habt ir miner swester. getan so starchiv leit.
so sprach aber Gifelher. der degn vil gemeit.
daz si des hete schulde. ob si iv wære gram.
nie man deheiner frowen. mere freuden noch genam.

Daz ich da wol bechenne. daz tun ich iv chvnt.
sol si nemen Ezele. gelebt si an die stvnt.
si getvot uns leide. swie si getraget an.
ia gewinnet si ze dienste. daz wizzet manigen chvnen man.

Des antwort Hagene. der herre Gernot.
ez mag also beliben. vnz an ir beider tot.
daz wir geriten immer. in Ezen lant.
wir soln ir leisten triwe. daz ist zen eren vns gewant.

Do sprach aber Hagene. mir chan niemen wider sagn.
vnt sol div frowe Chriemhilt. Helchen chrone tragn.
si getvot vns leide. swie si gefvget daz.
ir solt ez lan beliben. daz chvnt iv rechen michel baz.

Mit zorne sprach do Gifelher. der edeln Voten svon.
wir ensolen niht alle. meinliche von.
swaz liebes ir geschehe. vro solten wir des sin.
swaz ir geredet Hagene. ich dien ir durch die triwe min.



Do daz Hagene horte. do wart er vngemvot.
Gernot vnt Eifelher. die stolzen ritter goot.
vnt Gunther der riche. gerieten sîder daz.
ob sîz loben wolde. daz sîz liezen ane haz.

Do sprach der chvone Gere. so wil ich hine gan.
vnt wil mine frowen. die rede wîzen lan.
waz ir der kunich Ezele. her enboten hat.
ob sî in nemen welle. daz sî mit triwen vnser rat.


Do gie der snelle reche. da er Chriemhilde sach.
sî enpfie in minnekliche. wie balde er do sprach.
ir mvgt mich gerne grvzen. vnt gebn botenprot.
ivch wil gelucke scheiden. vzir aller iwer not.

Ez hat durch iwer minne. frowe her gesant.
ein der aller beste. der ie kuniges lant.
besaz mit vollen eren. oder chrone solde tragn.
ez werbent boten edele. daz hiezen iv die kunige sagn.

Do sprach die iamerfriche. iv sol verbieten got.
vnt andern minen frivnden. daz sî deheinen spot.
an mir armen vben. waz soldich einem man.
der ie hercen liebe. von gutem wibe gewan.

Si widerreit iz fere. do chomen aber sint.
Gernot ir brvoder. vnt Eifelher daz kint.
di baten minnekliche. trosten sî den mvot.
ob sî den chunic nâme. ez wâr ir wârlichen goot.

Überwinden niemen. chunde do daz wip.
daz sî minnen wolde. deheines mannes lip.
do baten sî die rechen. nw lazet doch geschehn.
ob ir niht anders wellet tvon. so sult ir Rvdegeren sehn.



Das enwil ich niht versprechen. ine welle in gerne sehn.
den guten Kudegeren. das laz ich wol geschehn.
durch sine manige tugende. wär er niht her gesant.
swerz ander boten wären. den wär ich immer unbeckant.

Si sprach ir solt in morgen. heizen her gan.
zo miner chemenaten. ich wil in hören lan.
wes ich mich habe beraten. wil ich im denne sagn.
ir wart eriteniwet. das ir vil grözlich chlagin.


Do engert och nihtes mere. der edel Kudegere.
niwan das er gefähe. die kuniginne here.
er wiste sich so wifen. das er wol an getragen.
mohte swaz er wolde. ir rede im moose wol behagen.

Des andern morgens. do man frvemesse sanch.
die edeln boten chomen. do wart da groz gedranch.
die mit Kudegere. zehofe solden gan.
der sach man wol gekleidet. manigen wätlichen man.

Chriemhilt div vil arme. div trvrich gemvot.
si warte Kudegere. dem edeln boten gvot.
der vant si inder wäte. die si alle cite troch.
da bi het ir gefinde. richer chleider genwoch.

Si gie im hin beegene. zo der tweere stan.
vnt enpfie vil liepliche. den Ezelen man.
niwan mit zwelf gesellen. man in dar in verlie.
man bot im michel ere. ir chom ein hoher bote nie.

Man bat den herren sizen. vnt sine man.
die zwene maregraven. sach man vor in stan.
Gern vnt Ecgewarten. das schvof div kuniginne.
die selben boten chunden. nimmer baz gewirdet sin.



Do si da wol gefazen. vnt sahn manich wip.
do pflach niwan weinens. der Chriemhilde lip.
ir wat was vor den brusten. der heizen trähene naz.
daz sach der maregrave. der helt niht langer do da saz.

Er sprach ingrozen zohnten. vil edel kuniges ehint.
mir vnt minen geverten. di mit mir chomen sint.
solt ir frow erlobben. daz wir for ouch stan.
vnt sagen io div märe. durch waz wir her geriten han.


No si io erlobbet. sprach div kunigin.
zefagen iwer märe. also stat min sin.
sprechet swaz ir welle. des ouch dunche got.
di boten an ir wol sahen. ir vil trorigen mvot.

Do sprach von Bechelaren. der furste Rodeger.
dienst unt triwe. Ezel ein kunic her.
hat io enboten frowe. her indizze lant.
er hat nach iwer minne. vil gote degene gesant.

Vnt enbiotet io innekliche. freude ane leit.
der stäten frivntschefste. si er io bereit.
als Helchen miner frowen. div im zeheren lach.
ir sult nu tragen chrone. der min frowe wilen pflach.

Do sprach div kuniginne. vil edel Rodeger.
wâr ieman der bechande. div minen scharpfen ser.
der riete mir niht troten. noch deheinen man.
wan ich vlos ein den besten. den ie frowe mer gewan.

Waz mag ergezen leides. sprach do der chone man.
wan vrvntliche liebe. swer die chan began.
vnt dann der einen chivset. der im zerehte chvmet.
for herentliche swäre. niht so grosliche frvmet.



Vnt rochet ir ze minnen. den hohen voget min.
zwelf richer chrone. solt ir frowe sin.
dar zo git ir min herre. wol drizech forsten lant.
div hat er betwungen. mit finer ellenthaften hant.

Ir solt och werden frowe. ober manigen chynen man.
die och miner frowen. waren vnder tan.
vnt vil der schonen magede. der si hete gewalt.
vnt hoher rechen magen. edel. chyen. vnt balt.


Dar zo ir min herre git. das heizet er ir sagen.
ob ir geruchet chrone. bi dem chunige tragen.
gewalt den aller hohsten. den Helche ie gewan.
den solt ir gewaldechliche. han ob allen sinen man.

Do sprach div kuniginne. wie mohte minen lip.
immer des gelosten. deich wrde heledes wip.
mir hat der tot an einem. so rehte leit getan.
des ich vnz an min ende. moz iriwen immer stan.

Do sprachen aber die Synin. kuniginne rich.
iwer leben wirt bi Egele. so rehte lobelich.
das ir des wol vergezet. ist das ez ergat.
wan der kunic riche. vil manigen zieren degen hat.

Die miner frowen magede. vnt iwer magedin.
soln die bi ein ander. ein gefinde sin.
da bi so mohten rechen. werden wol gemvot.
lat ez ir frowe raten. ez wirt ir werlichen gvot.

Si sprach in ir zuehten. nu lat die rede stan.
vnze morgen frueie. so solt ir her gan.
so wil ich ir antwrten. des ir da habet mvot.
des mozen do gevolgen. die rechen chyne unt gvot.



Do si zen herbergen. alle chomen dan.
do hiez die frowe Chriemhilt. nach Giselhere gan.
vnt ouch nach ir muoter. si saget in beiden daz.
daz si gesame weinen. vnt niht anders baz.

Do sprach ir brooder Giselher. swester mir ist geseit.
vnt wilz ouch gelouben wol. daz elliu diu leit.
Ezel der chunic swende. vnt nimst in zeman.
swaz ander iemen rate. so dunchet ez mich guot getan.


Er mac dich wol ergezen. sprach aber Giselher.
vonne Kote zu dem Rine. vf bi Elbe vnz an das mer.
so ist ir deheimer. also gewaltich niht.
du maht dich frevn balde. for din zekuniginne gih.

Si sprach zu zir broeder. zwiv ratestu mir daz.
chlagen unt weinen. mir immer zame baz.
wie solde ich vor rechen. da zehove gan.
wart min lip ie sehne. des bin ich ane getan.

Note ir beider muoter. sprach ir tohter zu.
swaz dine broeder raten. vil liebez chint daz zu.
nu volge dinen frivnden. so mach dir wol geschehen.
ich han dich doch so lange. ingrozem leide gesehn.

Do bat si got den riche. fogen ir den rat.
daz si ze gebene hete. golt. silber. vnt wat.
sam bi ir ersten manne. do der noch was gesvnt.
si gelebte doch nimmer mere. sit so vroliche stvnt.

Do gedahtes in ir sinne. sol ich minen lip.
gebn einem heiden. ich bin ein christen wip.
des muose ich von der werlde. groz itewise han.
geb er mir elliu riche. so ist ez immer vngetan.



Da mite siz lie beliben. die naht unz an den tac.
div frowe in vil gedanchen. an ir bette lac.
div ir vil lichten ovgen. wrden trochen nie.
vnze si aber den morgen. hin zer mettine gie.

Ze rechter messcete. die herren waren chomen.
si heten aber ir swester. vnder hende genomen.
ia rieten si ir minnen. den chunic v3 honen lant.
die frowen ir deheiner. vil luzzil vroliche vant.


Si baten dar gewinnen. die Ezenen man.
Kodeger der riche. biten do began.
die frowen minnekliche. waz si nu wolde tvon.
ob si zemanne wolde. des kunie Gotelunges son.

Si iach daz si geminnen. nimmer mere wolde man.
do sprach der maregrave. daz wäre missetan.
zuid woldet ir verderben. also seonen lip.
ir muget noch mit eren. werden hohes rechen wip.

Niht half daz si gebaten. vnze Kodeger.
sprach in heinliche. die kuniginne her.
er wolde si ergezen. swaz ir ie geschach.
ein teil begundir fensten. ir vil vnseftes vngemach.

Er sprach frowe here. lat iwer weinen sin.
ob ir zen hvinin hetent. niemens danne min.
getriwer miner frionde. vnt ovch der minen man.
er mvses sere engelten. vnt het iv iemen iht getan.

Da von ein teil geringet. wart do der frowen mvot.
si sprach so swert mir Kodeger. swaz mir iemen toot.
daz ir mir sit der nächte. der reche miniv leit.
do sprach der maregrave. des bin ich frowe bereit.



Mit allen sinen mannen. swor ir do Rodeger.
mit triwen immer dienen. vnt daz die rechen her.
ir nimmer niht versageten. v; Ezelen lant.
des si ere habn solde. des sichert ir Rodegeres hant.

Do gedahte diu getriwe. sit daz ich friwunde han.
also vil gewinnen. nu sol ich reden lan.
die lute swaz si wellen. ich iamerhaftes wip.
was ob noch wirt errochen. mins vil lieben mannes lip.


Si gedahte sit daz Ezele. der rechen hat so vil.
sol ich den gebieten. so tun ich swaz ich wil.
er ist ouch wol so riche. daz ich ze gebene han.
mich hat der mordär Hagene. des minen ane gar getan.

Si sprach ze Rodegere. het ich daz vernomen.
daz er niht wäre ein heiden. so wolde ich gerne chomen.
swar er hete willen. vnt nāme in zeinem man.
do sprach der marcgrave. die rede solt ir frowe lan.

Ern ist niht gar ein heiden. des solt ir sicher sin.
ia was vil wol becheret. der liebe herre min.
wan daz er sich widere. vernogieret hat.
wolt ir in frowe minnen. so mohte sin noch werden rat.

Ouch hat er so vil rechen. inchristenlicher e'.
daz ir bi dem kunige. nimmer wirdet we.
ir moegt ouch lichte erwerben. daz der fuerste gvot.
wider zegote wendet. beide sele vnt mvot.

Do sprachen aber ir broeder. lobt ir swester min.
iwer vngemvete. solt ir nu lazen sin.
si gertens also lange. daz ir vil trvrich lip.
lobte vor den degenen. si werde Ezelen wip.



Sie sprach ich muōz iu volgen. ih armiu kunigin.
daz ih var zen hünin. so daz nu mac gesin.
swenne ich die frivnt gewinne. die mich foren insin lant.
des bot diu kuniginne. vor den degn ir hant.

Do sprach der marcgrave. habt ir zwene man.
dar zu han ich ir mere. ez wirdet wol getan.
daz wir iuch mit den eren. bringen ober Rin.
ine laze iuch nu niht langer. hie zen Suregonden sin.


Fonfhundert miner manne. vnt och der mage min.
die soln iu hie dienen. vnt och da heime sin.
swie ir in gebietet. ich selbe toon alsam.
so ir mich ermant der mäere. daz ihs nimmer mich gescham.

Nu heizet iu bereiten. iwer pferit chleit.
die Rodegeres räte. iu nimmer werdent leit.
vnt sagetes iuern mägeden. die ir da foren welt.
ia chumet vns bejegene. vil manic v̄z erwelter helt.

Si heten noch gesmide. daz man da vor reit.
bi Sivrides ziten. daz si vil manige meit.
mit eren mohten foren. so si wolden dan.
hey was man guter sätele. den schonen frowen gewan.

Ob si da vor getrogen. deheiniv richen chleit.
der wart in zu der verte. vil maniges nu bereit.
wande in von dem chunige. so vil gesaget wart.
si slozzen v̄f die kisten. die e' stunden wol bespart.

Si heten groz vnuoze. vnz an den zwelften tac.
si souchten v̄z den valden. des vil dar inne lach.
Chriemhilt hiez entfliezen. balde ir chameren dan.
si wolde machen riche. alle Rodegeres man.



Si hete noch des goldes. von Nibelunge lant.
si wande ez da zen Hünin. teilen solde ir hant.
daz iz sehs hundert möre. ninder chunden tragen.
div märe horte Hagene. da von Chriemhilde sagen.

Er sprach sit mir Chriemhilt. doch nimmer wirdet holt.
so muoz och hie beliben. daz Siwrides golt.
zwiv solde ich minen vinden. lan so michel gvot.
ich wäiz wol daz div frowe. wuder mit dem schazze getvot.


Und brächte si in zen Hünin. ich wil geloben daz.
er werde doch zerteilet. niwan uf minen haz.
sine habent och niht der roffe. die in solden tragen.
in wil behalten Hagene. daz sol man Chriemhilde sagen.

Do si vernam div märe. do wart ir grimme leit.
ez wart och den kunigen. allen drin geseit.
si woldenz gerne wenden. do des niht geschach.
Küdeger der edele. dar zo herliche sprach.

Vil richiv kuniginne. zwiv chlaget ir daz golt.
iv ist der chvnic Ezele. inder mase holt.
gesehent ivch siniv ovgen. er git iv also vil.
daz irz zerteilet nimmer. des ich iv eide swern wil.

Do sprach div chviginne. vil edel Küdeger.
ez gewan nie kuniges tohter. die richte mer.
denne der mich Hagene. ane hat getan.
do chome der starche Gernot. hin zer chameren gegan.

Mit gewalt des chvuniges fluzzil. stiez er an die tver.
golt daz Chriemhilde. reichte man der fver.
ze drizzech tofint marchen. oder dannoch baz.
hie er nemen die geste. liep was Gunthere daz.



Do sprach von Bechelaren. der Gotelinde man.
ob ez min frowe Chriemhilt. allez möhte han.
swaz sin ie wart gefveret. von Nibelunge lant.
sin gevret nimmer marche. min noch der kuniginne hant.

Lat ez nemen frowe. swerz gerne haben wil.
ich brahte v3 mine lande. des minen also vil.
daz wir ez vf der straze. habn guten rat.
vnt unfer chofte hinnen. mit vollen herlichen stat.


Da vor in aller wile. erfüllet zwelf schrin.
des aller besten goldes. daz inder möhte sin.
heten noch ir meide. daz forte man von dan.
mit der chuniginne. daz ander muosin si da lan.

Gewalt des vbelen Hagenen. der duhte si zestarch.
si het ir opfer goldes. noch wol tufint march.
daz teilte si der sele. ir vil lieben man.
daz dvohte Rodegere. ingrosen triwen getan.

Do sprach die frowe Chriemhilt. wa nu frionde min.
die durch mich ellende. zen Hynin wellen sin.
vnt mit mir soln riten. in Ezelen lant.
die nemen golt daz mine. vnt chauffen rosse vnt oveh gewant.

Des antwre ir schiere. der marcgrave Ekkewart.
sit ich iwer gefinde. ie von erste wart.
so entweich ich iw nie triwen. sprach der chune degn.
vnt wil iw immer dienen. die wile wir beide lebn megn.

Ich wil oveh mit mir fveren. hundert miner man.
der ich iw zedienste. wol mit triwen gan.
wir sin vngescheiden. ez entoo der tot.
der rede neig im Chriemhilt. daz irz der helt so wol erbot.



Do zoh man dar die möre. si wolden varn dan.
da wart vil michel weinen. von frivnden getan.
frov Vote div gvote. vnt manic schöne meit.
die zeigeten daz in wære. nach der kuniginne leit.

Hundert schöner megede. div frowe mit ir nam.
die wrden so gechleidet. als in daz wol gezam.
vf ir vil liechten bouge. die trähene vielen nider.
si gelebten vil der freude. dort bi Ezele sider.


Ir brooder chomen beide. Gifelher unt Gernot.
mit ir ingefinde. als in ir zoh gebot.
do wolden si beleiten. ir liebe swester dan.
ovch forten si ir degene. mit in wol tofint chune man.

Do chom der snelle Gere. vnt ovch Ortewin.
Romolt der chuchen meister. da mite mose sin.
si schufen die nacht selde. der frowen vf den wegn.
Volcher was ir marschalch. der solde ir herberge pflegen.

Nach chuffen michel weinen. wart da vil vernomen.
e' daz si von der burge. ze velde wärn chomen.
vz riten vnt giengen. die sis niene gebat.
do reit der chunic Gunther. mit ir ein wenich foer die stat.

E' si von huse foeren. si heten foer gefant.
ir boten harte snelle. inder Hvnin lant.
die dem chunige sageten. daz im Rodeger.
zewibe hete gewinnen. die edeln chuniginne her.

Die boten strichen fere. in was der reise not.
durch die grozen ere. vnt durch richiv potenbrot.
do si ze lande waren. mit den mären chomen.
do het der chunic Ezele. nie so liebes niht vernomen.



Durch disiv lieben märe. hiez der chunich gebn.
den boten solhe gabe. das si wol mohten lebn.
mit freuden immer mere. dar nach vnze an ir tot.
mit liebe was verschwunden. des chuniges chumber unde not.

